

四庫全書

集部

欽定四庫全書

文苑英華卷二百六十二 宋 李昉等 編

寄贈十六

張祜七首

李洞九首

方干二十三首

李白一首

李羣玉六首

陳陶十一首

寄朗州徐員外

張祜

江嶺昔飄蓬人間值俊雄關西今孔子城北舊徐公清

夜游何處良辰此不同
傷心幾年事一半在湖中

贈薛鼎臣侍御

前人

一命前途遠雙曹小邑閑
夜潮人帶

集作到

郭春霧鳥啼

山淺瀨橫沙堰高巖峻石班不堪曾倚棹
猶復夢升攀

寄盧載

前人

故人盧氏子數載曠佳期
少見雙魚信多聞八米詩
侏儒他甚飽款段爾應羸
勿謂今劉二相逢不熟槌

寄靈澈上人

此詩已見二百二十三卷

投常州從兄中丞

前人

扁舟何所往言入善人邦舊愛鵬搏海今聞虎渡江土
因為政樂儒為說詩降素履冰容靜新詞玉韻樅金魚
聊解帶畫鷁稍移棹邀妓思集作促逃席留賓命倒缸
吏材誰是伍經術世無雙廣厦當宏構洪鍾併待撞成
龍須讓邴展驥莫先龐應念宗中末秋螢照一窓

贈淮南將

前人

年少好風情垂鞭毗睚行帶金獅子小裘錦麒麟擲揀

匠裝銀鞞堆錢買鈿箏李陵雖効死時論亦輕生

寄獻蕭相公

前人

東去江干

集作山

是勝遊鼎湖興

集作相

望不堪愁謝安近

日違朝旨傳說當時允帝求暫向聊城飛一箭長為滄海繫扁舟分明此事無人見白首相看未肯休

贈龐鍊師

李洞

家住涪江漢語嬌一聲歌戛玉樓簫睡融春日柔金縷
粧發秋霞戰翠翹兩臉酒醺紅杏妬半眉酥嫩白雲饒

若能携手隨仙令皎皎銀河渡鵲橋

述懷二十韻獻單

疑相公

前人

帝夢求良弼生身屬聖明青雲縣器業白日貫忠貞

一作

精

靄靄隨春動忻忻共物榮靜宜浮競息坐覺好風生

萬國聞應躍千門望盡傾瑞含楊柳色氣變管絃聲百
辟尋知度三階正有程魯儒規蘊藉周誥美和平碧水
遺幽抱朱絲寄遠情風流秦印綬儀表漢公卿忠謹期
登用回邪自震驚雲開長劍倚路絕一峰橫九野方無

事滄溟本不爭國將身共計心與衆為城早晚中條下
紅塵一顧清南潭容伴鶴西笑忽遷鶯折樹思難報懷
仁命甚輕二年猶困辱百口望經營未
在英侯選空勞
短羽征知音初疑作祈相國從此免長鳴

感知上刑部鄭侍郎

前人

門掩白雲司蜀都高卧時隣僧點寒燭宿鳥動秋池帝
誦嘉蓮表人吟寶劍詩石渠流月斷畫角截江吹閑出
黃金勒前飛白鷺鷺公心外國說重望兩朝持淨蘚斜

圭影孤牕響錫枝與幽松雪見心苦硯冰知緣丈蟲聲
切過門馬足遲漏殘終卷讀日下大名垂平磧容鷗上
仙山許狃窺數聯金口出死免愧邱為

感恩書事上鳳翔舉義司徒相公

前人

積雪峰西遇獎稱半家寒骨起溝塍鎮時賢相回人鏡
報德慈親點佛燈受鉞已聞諸國靜坐籌重見大河澄
功居第一圖煙閣依舊終南滿杜陵

上司空員外

前人

禪心高靜似疎慵，閑客經過不厭重。
藤杖幾携量積雪，玉鞭曾把數高峰。
夜眠古卷疑作卷當城，月秋直清曹入。

省鍾禹鑿故鄉歸，未得河聲聒老兩三松。

春日寄書事一二知己

前人

浴馬池西一帶泉，開門物景似林川。
朱衣掩竹人歸縣，白首遺泥鶴上天。
索米夜燒風折竹，無車春養雪藏鞭。
縉紳處士知章句，忍使孤牕枕淚眠。

廢寺閑居寄懷一二罷省歸郎

前人

貧居廢廟冷吟煙無力爭飛類病蟬
槐省老郎蒙主棄
月波一作孤客望誰憐
稅房兼得調猿石買地仍分浴
鶴泉處世堪驚又甚愧一陂山色不言錢

贈昭應沈少

前人

行宮接縣判雲泉袍色雖青骨且仙
鄴杜憶過梨栗寺
瀟湘曾棹雪霜天
華山僧別留茶鼎渭水人來鎖釣船

東送西迎終幾考新詩覓得兩三聯

贈高僕射自安西赴闕

一作贈功臣

前人

征蠻破虜漢功臣

一作携

劍歸來萬里身閑倚凌煙金

柱看形容惆悵

一作消瘦

老於真

將謁商州李

集作呂

郎中道出楚州獻章

集作章

中

丞

方干

江流盤復直浮棹出家林商洛路猶遠山陽春已深青

雲應可望白髮未相侵才小知難薦終勞許郭心

贈江南僧

前人

忘機室亦空禪與沃州同唯有半庭竹能生竟日風思
山海月上出定印香終繼後傳衣者還湏立雪中

贈葉尊師

此詩已見二百二十九卷

寄于少監

前人

脩持精一作清苦振家聲衆鳥那知一鷄情躡履三千皆

後學搏風九萬即前程名將日月同時朽身是山河應

世一作數

生從此雲泥更懸濶

演公集作漁翁

不合見公卿

寄李頻

前人

衆木又搖落望君還不還
軒車在何處雨雪滿前山
思苦文星動鄉遙釣渚閑
明年見名姓唯我獨何顏

寄普州賈司倉島

前人

亂山重復疊何處訪先生
豈料多才者空垂不第

集作世

名閑曹猶得醉薄俸亦勝耕
莫問吟詩石年年芳草平

中路寄喻息先輩

前人

求名如未遂白首亦難歸送我罇中

集作前

酒典君身上

衣寒蕪隨楚盡落葉渡淮稀莫笑

集作嘆

干時晚前心豈

便飛

暮冬書懷呈友人

前人

空為梁甫吟誰竟是知音風雪生寒夜鄉園來疑舊心

滄江孤棹迥白閣一鍾深君子久忘我此懷甘自沈

東溪別業寄吉州段郎中

此詩已見三百十八卷

前人

獻王大夫

前人

都緣聲價振皇州高卧中條不自由
早起急徵來鳳闕常陪內宴醉龍樓
鏘金五字能援筆鈞玉三年信直鈎

必恐借留應不得

集作終不遂

越人相顧已生

集作先

愁

上

集作贈

處州段郎中

前人

幸見仙才領郡初郡城孤峭似仙居

集作松

蘿色裏登

臺閣瀑布聲中閱簿書德重自將天子合情高元與世

人疎寒潭是處深

集作清

連底賓席何心望食魚

茅山贈高

洪集作

拾遺

前人

聖代諫臣停諫舌求還

集作歸

故里傲雲霞溪頭講樹遺

一作

漁艇篋裏朝衣盡

集作輸

酒家但愛身閑辭祿俸那

嫌歲計在桑麻我來幸與諸生異問答時容近絳紗

上越州楊巖中丞

前人

連枝棣萼世無雙未秉鴻鈞擁大邦折桂早聞推獨步
分憂暫輟過重江晴尋鳳沼雲中樹思遠稽山枕上牕
試把十年辛苦志問津求拜碧油幢

獻王大夫

前人

高情不與俗人知，耻學諸生取桂枝。荀宋五言行世早，

巢由三詔出溪遲。

大夫佳句云珠箔卷繁星金樽瀉月明行於世

操心已在精。

微域落筆皆成典，詰詞一鶚難成燕。雀伍非熊本是帝，
王師賢臣雖蘊經，邦術明主終無諫。獵時莫道百僚憂，
禮絕兼聞七郡怕。天移直緣材力頭，頭瞻專被文星步。
步隨不信重言通，造化湏臾便可變榮衰。

謝王大夫奏表

前人

非唯言下變榮衰大海可傾山可移如剖夜光歸暗室
似驅春氣入寒枝死灰到底翻騰焰朽骨隨頭却長肥
便殺微躬復何益生成恩重報無期

處州獻盧員外

前人

纔下輶車即歲豐方知盛德與天通清聲漸出寰瀛外
喜氣全歸教化中落地遺金終日在經年滯獄當時空
直緣後學無功業不慮文翁不至公

贈李郢端公

前人

非惟孤峭與飛動

集作世絕

吟處斯須能變通物外搜羅添

一作

歸 大雅毫端剪削有餘功山川正氣侵靈府雪月清

輝引思風別得人間上昇術丹霄路在五言中

贈趙常六韻

集作贈趙崇侍御

前人

貴達合逢明聖日風流又及少年時才因出衆人皆嫉

勢欲摩霄自不知迢遞

集作正直

早年聞苦節從容此日見

清規却教鸚鵡呼桃葉便遣嬋娟唱竹枝閑話篇章倚

燭久醉迷歌舞出花遲雲鴻別有回翔便應笑啁噍

一作

啾
燕雀卑

山中言事八韻寄李支使
前人

豈知經史深相悞兩鬢垂絲百事休
受業幾多為弟子
成名一半作公侯
前時射鵠徒拋箭
此日求魚未上鉤
竹裏斷雲來枕上
巖邊片月在牀頭
過庭急雨和花落
遶舍澄泉帶葉流
緬想遠書聆鵲喜
窺尋嘉果覺猿偷
舊詩改處空留韻
新醞嘗來不滿筩
阮瑀如能問寒餒
風光當日入滄洲

山中言事寄贈蘇判官

前人

寸心似火頻求薦，兩鬢如霜始息機。
隔岸雞鳴春耨去，鄰家犬吠夜漁歸。
倚松長嘯成疎拙，拂石欹眠絕是非。
執爨縱曾炊橡實，紉針爭解補荷衣。
常憑早月來張燭，亦假清風為掩扉。
多是集作謝元瑜憐野賤，時迴車馬發光輝。

寄台州孫從事百篇登第初授華亭尉

前人

聖代科名酬志業山川秀色助神機
梅真入仕提雄筆
阮瑀從軍着綵衣晝寢不知山雪積
春遊應趣集作夜
潮歸相思莫訝音書絕鳥去猶須累日飛

贈孫百篇

前人

御題百首思縱橫半日功夫舉世名
羽翼便從吟處出
珠璣續向筆端生莫嫌黃綬官資少
必料青雲道路平
才子風流復年少無愁高卧不公卿

贈會稽張少府

前人

高節何曾似任官藥苗香潔備常餐一分酒戶添應

集作

猶得五字詩名隱即難笑我無媒成

集作生

鶴髮如君有

夢

一作意

憶漁竿明年莫遣

集作便

還家去鏡裏雲山且共

看

代佳人寄翁叅樞先輩

李白

等閑經夏復經寒夢裏驚嗟豈暫安南國風光當世少
西陵江浪過江難周旋小字挑燈讀重疊遙山隔霧看
直是為君食不得書來莫說更加食

此詩總目及李集皆不載惟英華諸本有之

長沙春望寄涪陽故人

李羣玉

清明前

集作別

後雨晴時極浦空
頓一望眉湖畔春山煙

黯黯雲中遠樹墨

集作黑

離離依微水戍聞疎鼓
掩映河

橋

集作沙林

見酒旗風煖草長
愁似醉行吟無處寄相思

望月寄人

集作懷友

前人

浮雲卷盡月朧朧
直出滄溟上碧空盈手冰

集作水

光寒

不濕流天素彩

集作影

靜無風酒花蕩漾
金樽裏棹影飄

飆玉浪中川路正長難可越美人千里思何窮

辱綿州于中丞書信

前人

一緘垂露到雲林中有孫陽念驥心萬木自凋山不動

百川空

集作皆

旱水

集作海

長深風標想見瑤臺鶴詩韻如

聞淥水琴他日縱陪池上酌已應難到暝猿吟

渴疾漸加酒戶

減日

寄長沙許侍御

前人

二

集作三

年文會許追隨和遍南朝雜體詩未以綵毫還

郭璞乞留殘錦與邛遲竹齋琴酒歡成夢水寺煙霞相

集作賞

對誰今日秋風滿湘浦只令

集作應

搔首詠瓊枝

寄張祜

祜亦未面頻寄聲相聞

前人

越水吳山任興行五湖雲月挂高情不遊都邑稱平子
只向江東作步兵昔歲芳聲到童稚老年佳句遍公卿
如君氣力波瀾地留取陰何沈范名

寄友人

前人

野水青山雪後時獨行村落更相思無因一向溪橋醉

處處寒梅映酒旗

寄兵部任畹郎中

陳陶

常思劍浦越清塵
萱蔻花紅十二春
崑玉已成廊廟器
澗松猶是薜蘿身
雖同橘袖依南土
終媿魁罡近北辰
好向昌時薦遺逸
莫教千古弔靈均

贈江南從事張侍郎

疑作御

前人

平南門館鳳凰毛
二十華軒立最高
幾處談天致雲雨
早時文海得鯨鰲
姻聯紫府蕭牕貴
職稱青錢繡服豪

江徼無虞才不展可疑
杯終日詠離騷

贈溫州韓使君

前人

康樂風流五百年
永嘉鈴閣又登賢
嚴城鼓動魚驚海
華屋樽開月下天
內史筆鋒光案牘
鄢陵詩句滿山川
今來誰似韓家貴
越絕麾幢鴈影連

閒居寄太學盧璟博士

前人

無路青冥奪錦袍
耻隨黃雀住蓬蒿
碧雲夢後山風起
珠樹詩成海月高
久滯鼎書求羽翼
未忘龍闕致波濤

閑來長得留侯癖羅列植梨校六韜

贈漳州張怡使君

前人

舊德徐方天下聞當年熊軾繼清芬井田異政光蠻竹
符節深恩隔瘴雲已見嘉祥生北戶嘗嫌夷貊蠹南薰
幾時徵拜征西越學着縵胡從使君

贈容南韋中丞

前人

普寧都護軍威重九驛梯航壓要津十二銅魚尊畫戟
三千犀甲擁朱輪風雲已靜西山寇問井全移上國春

不獨來蘇發歌詠天涯半是泣珠人

投贈福建路羅中丞

前人

越艷新謠不厭聽樓船高卧靜南溟未聞建水窺龍劍
應喜家山接女星三捷楷模光典策一生封爵笑丹青
皇恩幾日西歸去玉樹扶疎正滿庭

贈江南李偕副使

前人

世祿三朝壓鳳池桂陵公子漢庭知雷封始賀棠溪劍
花府尋邀玉樹枝幾日坐談誅叛逆列城歸美見歌詩

從軍莫厭千場醉即是金鑾寵命時

賀客府常中丞天府賢兄新除黔南經畧

前人

蓬瀛簪笏舊聯行紫極差池降寵章列國山河分鴈字
一門金玉盡龍驤耿家符節朝中美袁氏芝蘭閩外香
烽戍悠悠限巴越佇聽歌詠兩甘棠

祝疑 贈江西周大夫

前人

否極生大賢九元降靈氣獨立正始風蔚然中興瑞淵

淪照三古磊落涵涇渭真貌月懸秋雄詞雷出地具瞻
先皇寵欲踐東華貴咫尺時不來千秋鼎湖淚因分三
輔職進領南平位報政黃霸慙觀兵呂蒙醉歲星臨斗
牛水國嘉祥至不獨蒼生蘇仍兼六駟轡恭聞廟堂畧
欲斷匈奴臂剗釋自宸衷平戎在連帥時康簪笏冗世
梗忠良議丘壑非無人松香有私志三朝倚天劍十萬
浮雲騎可使河曲清羣集作郡公信兒戲滄溟用謙德百
谷走童稚禦衆付深人參籌湏偉器他年蓬華賤願附

鴛鴦翅

旅次銅山途中先寄溫州韓使君

前人

亂山滄海曲中有橫陽道
束馬過銅梁苔華坐堪老
鳴高崖裂能鬪深樹倒絕壑無坤維重林失蒼昊
躋攀

寡儔侶扶接念與卓俛仰慄嵌空無因掇靈草梯

疑作睇

窮聞戍鼓魂續賴丘禱
豁天地歸縈紆村落好
悠悠思蔣徑擾擾愧商皓
馳想永嘉侯應傷此懷抱

文苑英華卷二百六十二

欽定四庫全書

文苑英華卷二百六十三 宋 李昉等 編

寄贈十七

李商隱二首

薛逢三首

姚鵠十四首

項斯三首

趙嘏二十八首

馬戴十一首

及第東歸次灞上却寄同年 李商隱

芳桂當年各一枝行期未分壓春期江魚朔鴈長相憶

秦樹嵩雲自不知杏苑經過勞想像東門追

集作餞又送

差池灞陵柳色無離恨莫枉長條贈所思

飲席代官妓贈兩從事

前人

新人橋上着春衫舊主江邊側帽簷願得化為紅綬帶
許教雙鳳一時銜

伏聞令公疾愈對見延英因有賀詩遠封投獻

薛逢

吉語云云海傳令公疾愈起朝天皇風再扇寰區內

人鏡重開日月邊光啟四門通壽域深疏萬頃漑情田
陪臣自訝迷津久願識方舟濟巨川

題劍門先寄上西蜀司徒杜

前人

峭壁橫空限一隅劃開元氣建洪樞梯航百貨通邦計
鍵閉諸蠻屏帝都西威犬戎威北狄南吞荆郢制東吳
千年管鑰誰鎔範只自先天造化爐

北亭醉後叙舊贈東川陳書記

前人

二十年前事盡空半隨波勢半隨風謀身喜斷韓雞尾
辱命羞携楚鶴籠符竹謬分錦水外妻孥猶隔散關東
臨歧莫恠朱紘絕曾是君家入爨桐

塞外寄張侍御

姚鵠

千里入黃雲羈愁日日新疎鐘關路曉遠雨塞山春南
眺有歸鴈北來無故人却思陪宴處迴望與天隣

寄贈許璋

集作璋

少府

前人

若說君高道何人更得如公庭唯樹石生計是琴書詩

句峭無敵文才清有餘不知尺水內爭滯北溟魚

寄雍陶先輩

前人

知音杳何處書札寄無由獨宿月中寺相思天半

集作
畔

樓露凝衰草白螢度遠煙秋悵望難歸枕吟勞生夜愁

寄友人

前人

西風又開菊久客意如何舊國天涯遠清砧月夜多
時難際會急景易蹉跎抱玉終湏獻誰言念薜蘿

書情獻知己

前人

日日恨何窮巴雲舊隱

集作望

空一為棲寓客三見北歸

鴻有道期攀桂無門息轉蓬賃居將磬比乞食與僧同
花月登臨處江山悵望中衆皆輕病驥誰肯救焦桐坐
惜春還至愁吟夜每終谷寒思變律葉晚怯回風謁蔡
慙王粲憐衡冀孔融深思如尚在何處問窮通

感懷陳情

前人

恩重空感激何門誓殺身謬曾分玉石竟自困風塵陰
谷非因煖幽叢豈望春升沉在言下應念異他人

早魚詞上苗相公

前人

似龍鱗已足唯是欠登門日裏腮猶濕泥中目未昏乞
鋤防螿穴望水瀉金盆他日能為雨公田報此恩

將歸蜀留獻恩地僕射二首

前人

自持衡鏡採幽沉此事嘗聞曠古今危葉只將

集作應終

委地焦桐誰料却為琴蒿萊

集作蓬

詎報生成德犬馬空

懷感戀心明日還家盈眼血定應回首即沾襟

二

江上長思狎釣翁此心難與昨心同自承邱嶽新恩重
已分煙霞舊隱空龍變偶因資巨浪鵬飛誰肯借高風
應憐死節無門効冰炭潛憐

集作永
歎潛懷

逐轉蓬

襄州獻尚書

前人

立事成功畫遠圖一方獨與萬方殊藩臣昔競師兵畧
相國今多揖廟謨禮樂政行凋敝俗歌謠聲徹帝王都
即隨鳳詔歸何處祇是操持造化爐

隨州獻李侍御二首

前人

彩筆曾專造化權
道尊翻向宦途閑
端居有地惟栽藥
靜坐無時不憶山
德望舊懸霄漢外
政聲新溢路岐間
衆知聖主搜賢相
朝夕欲待黃霸還

二

再別未甘何處說
但垂雙淚出咸秦
風塵匹馬來千里
蓬梗全家望一身
舊隱每懷空竟夕
愁眉不展幾經春
今朝儻降非常顧
倒屣寧惟有古人

虢州獻楊侍御二首

前人

蓋世英華更有誰賦成傳寫徧坤維名科累中求賢日
苦節高標守郡時樓上叫雲秋鼓角林間宿鶴夜旌旗
徵歸詔下應非久德望人情在鳳池

二

碧山曾共惜分陰暗學相如賦上林到此敢踰千里恨
歸家且遂十年心疎愚只却膺門險淺薄爭窺孔室深
一顧儻憐持苦節更令何處問升沉

贈金州姚合郎中

項斯

為郎名更重，領郡是蹉跎。
官筆題詩盡，衙庭看鶴多。
城池連竹塹，籬落帶椒坡。
未學旌旛闕，閒遊觸處過。

寄江南親故

前人

古巷槐花合，愁多晝掩扉。
猶存過江馬，強拂看花衣。
送客身先醉，尋僧晚未歸。
龍鍾易惆悵，莫遣寄書稀。

獻令狐相公時相公郊壇行事迴

前人

鷄在卿雲水，在壺代天才。
業本訃謨榮，同伊陟傳朱戶。

秀比王商入畫圖昨夜星辰回劍履前年風月滿江湖
不知機務時多暇還許詩家屬和無

贈越客

趙嘏

故國波濤隔明時心久留獻書雙闕晚看月五陵秋南
棹何當返長江憶共遊定知釣魚伴相望在汀洲

贈李祕書

前人

東帶臨

一作隨

風氣調新孔門才業獨誰倫杉松韻冷

一作

靜
雪溪暗鷺鶴勢高天路春美玉韞來休問價芳枝攀

去正無塵莫將芸閣經科第須作人間一作詞場第一人

寄歸

前人

三年踏盡化衣塵只在又玄集作見長安不見春馬過雪街

天未曙鄉迷關路淚空頻桃花塢接啼猿樹野竹庭通

畫鷁津早晚粗酬身事了水邊歸去一閒人一作雲樹

迴於道中寄舒州李珣相公 前人

都無鄙吝隔塵埃昨日丘門避席來靜語乍臨清廟瑟

披風如在九層臺幾煩命妓浮溪棹再一作每許論詩注

酒杯從此微誠知感戀七真臺上

集作壇畔

望三台

舒州獻李相公

前人

野人留得五湖船丞相興歌郡國年醉筆倚風飄澗雪
靜襟披月坐樓天鶴歸華表山河在氣返青雲雨露全
聞說萬方思舊德一時傾望重陶甄

獻淮南李相公

前人

傅巖高靜見台星廟畧當時討不庭萬里有雲歸碧落
百川無浪到滄溟軍中老将傳兵術江上諸侯受政經

聞道國人思再入，鎔金新鑄鶴儀形。

成名年獻座主僕射兼呈同年

前人

拂煙披月羽毛新，千里初辭九陌塵。
曾失玄珠求罔象，不將雙耳負伶倫。
賈嵩詞賦相如手，楊乘歌篇李白身。
除却今年仙侶外，堂堂又見兩三春。

歲暮江軒寄盧端公

前人

積水生高浪，長風自此時。
萬艘俱擁棹，上客獨吟詩。
路

以重湖阻心將小謝期渚雲愁正斷江鴈重驚悲笑憶
遊星子歌尋罷貴池夢來孤島在醉醒百憂隨成迴煙
生晚江寒鳥過遲問山樵者對經雨釣船移敢嘆今留
滯猶勝曩別離醉從陶令得善必大人知道蹇才何取
恩深劍不疑此身同岸柳只待變寒枝

抒懷上歙州盧中丞宣州杜侍御

前人

東來珠履與旌旗前者登朝亦一時竹馬迎呼逢稚子

柏臺長告見男兒
花飄舞袖樓相倚
角送歸軒客盡隨
獨有賤夫懷感激
十年兩地負恩知

山陽韋中丞罷郡因獻

前人

笙歌只是舊笙歌
腸斷風流奈別何
照物二年春色在
感恩千室淚痕多
盡將魂夢隨西去
猶望旌旗暫一過
今日樽前無限思
萬重雲月隔煙波

山陽卽席獻裴中丞

前人

早年天上見清塵
今日樓中醉一春
暫肯剖符臨水石

幾曾焚筆動星辰
瓊臺雪映迢迢鶴
蓬島波橫浩浩津
好是仙家羽衣使
欲教垂涕問何人

西峯即事獻沈大夫

前人

松竹間遊道路身
衣襟落盡往來塵
山連謝宅餘霞在
水映一作琴雞疑作舊浪春
拂榻從容今有地
酬恩寂寞久無人
安知不及屠沽者
曾對青萍淚滿巾

杜陵貽杜牧侍御

前人

紫陌塵多不可尋
南溪酒熟一披襟
山高畫枕石床隱

泉落夜牕煙樹深
白首尋人嗟問計
青雲無路覓知音
唯君懷抱安如水
他日門牆許醉吟

下第後上李中丞

前人

落第逢人慟哭初
平生志業欲何如
鬢毛洒盡一枝桂
淚血滴來千里書
谷外風高摧羽翮
江邊春在憶樵漁
唯應感激知恩地
不待功成死有餘

浙東贈李副使員外

前人

妙畫戎機佐上台
少年清苦自霜臺
馬嘶深竹閒宜貴

花拂朱衣美稱才早入半緣分務重晚吟多是看山迴
名高漸少翻飛伴幾度煙霄獨去來

寄淮南幕中劉員外

前人

郎官何遜最風流愛月憐山不下樓三佐戎旃換朱紱
一辭蘭省見清秋桂生巖石本瀟洒鶴到煙空更自由
休向西齋久閑卧滿朝傾盖是依劉

宛陵寓居上沈大夫二首

前人

滿耳諠謠滿眼山宛隣城郭翠微間人情已覺春長在

溪戶仍將水共閒
曉色入樓紅
藹藹夜深尋
砌碧潺潺
幽雲高鳥俱無事
晚伴西峰醉客還

二

溪樹參差綠可攀
謝家雲水滿東山
能忘天上他年貴
來結林中一日閒
醉叩玉盤歌裊裊
煖鳴幽澗鳥關關
觥籌不盡酒歸去
路在春風縹緲間

淮信賀滕邁台州

前八

凋瘵民思太古風
上賢綏輯副宸衷
宸舟移清鏡
禹祠北

路轉翠屏天姥東旌旆影前橫竹馬詠歌聲裏樂樵童
遙知到郡滄波晏三島離離一望中

獻秘書元少監

前篇作三像酬元秘
監見二百三十八卷

前人

薛廷範從事自宣城至因贈 前人

少年從事霍嫖姚來自楓林度柳橋金管別筵樓灼灼
玉溪回首馬蕭蕭清風氣調真君輩知己風流滿聖朝
獨有故人愁欲死晚簷疎雨動空瓢

寄潯陽趙校書

前人

簾下秋江夜影空，倚樓人在月明中。
不將行止問朝列，唯脫衣裳與釣翁。
幾處別巢悲去燕，十年回首送歸鴻。
那應更結廬山社，見說心閑勝遠公。

贈李從貴

前人

白馬嘶風何處還，鞭梢拂地看南山。
珠簾捲盡不回首，春色欲闌休閉關。
花外鳥歸殘雨暮，竹邊人語夕陽閒。
知君舊隱嵩雲下，巖桂從今幾更攀。

下第寄宣城幕中諸公

前人

一醉曾將萬事齊，暫陪歡去便如泥。
黃花李白墓前草，碧浪桓彝宅後溪。
九月霜中隨計吏，十年江上灌春畦。
莫言春盡不惆悵，自有閒眠到日西。

贈陳正字

前人

魯儒今日意何如，名挂春官選籍初。
野艇幾曾尋水去，故山從此與雲疎。
吟憐受露花陰足，行覺嘶風馬力餘。
聞說晚心心更靜，竹間依舊卧看書。

洞庭寄所思

前人

目斷蘭臺空望歸錦衾香冷夢來稀書中自報刀頭約
天上三看破鏡飛孤浪漫疑紅臉笑輕雲忽似舞羅衣
遙知不語坐相憶寂寞洞房寒燭微

代人贈杜牧侍御

宣州會中

前人

郎作東臺御史時妾長西望斂雙眉一從詔下人皆羨
豈料恩衰不自知高闕如天縈曉夢華筵似水隔秋期
坐來情態猶無限更向樓前舞柘枝

寄遠

前人

禁鐘聲盡見棲禽關塞迢迢故國心無限春愁莫相問
落花流水洞房深

冬日寄河中楊少尹

馬戴

洪河岸木哀城下渡凌漸年長從公懶天寒入府遲家
山登幾徧衛闕赴何時懷古心誰識應多謁舜祠

到山寄部姚員外

前人

朝與城闕別暮同麋鹿歸鳥鳴松觀靜人過石橋稀木

葉搖山翠泉聲入澗扉敢招仙署客暫此拂朝衣

寄金州姚使君員外

前人

老懷清淨化乞去守洵陽廢井人應滿空林虎自藏迸

泉疎石窺

誤

殘雨發椒香山缺通巴峽江流帶楚檣憂

農生野思禱廟結雲裝覆局松移影聽琴月墮光鳥鳴
開郡印僧去置禪床罷貢金休鑿凌寒笋更長退公披
鶴氅高步隔鷓行相見朱門內麾幢拂曙霜

夕發邠州寧寄舒從事

前人

半酣走馬別別後鎖邊城日落月未上鳥棲人獨行方
馳故國戀復愴長年情入夜不能息何當開此生

贈北客

前人

君生遊俠地感激氣何高飲盡玉壺酒贈留金錯刀鴈
闕飛霰雪鯨海落雲濤決去如征鳥離心空自勞

長安寓居寄賈島

前人

歲暮見華髮平生志半空孤雲不我棄歸隱與誰同枉
羨紫宸竭一作妨栽丹桂叢何如隨野鹿栖止在林中

贈別江客

前人

湘中有岑穴君坐桂帆過露細蕪葭廣潮迴島嶼多汀
洲延夕照楓葉墮寒波應便同漁疑作者生涯許釣歌

贈楊之梁先輩

前人

平生閒放久野鹿許為羣居止隣西嶽軒窓度白雲齋
心飯松子話道接茅君漢主方清淨休書諫獵文

贈鄴縣尉李先輩二首

前人

同人家鄴杜相見罷官時野坐苔生石荒居菊入籬聽

蟬臨水久送鶴背山遲未擬還城闕溪僧別有期

二

休官不到闕求靜匪營他種藥唯愁晚看雲肯厭多渚
邊逢鷺下林表伴僧過閑檢仙方試松花酒自和

贈祠部令狐郎中

前人

官初執憲稱雄才省轉為郎雅望推待制松陰移玉殿
分霄露氣靜天臺筭碁默向孤雲坐隨鶴閑窮片水迴
忽憶十年相識日小儒新自海邊來

文苑英華卷二百六十三

欽定四庫全書

文苑英華卷二百六十四

宋 李昉等 編

寄贈十八

薛能十首

李頻七首

劉駕二首

皮日休三首

陸龜蒙四首

許棠六首

聶夷中三首

司空圖四首

鄭谷二十七首

杜荀鶴六首

周朴十一首

贈禪師

已見二百二十四卷

薛能

寄李頻

前人

長安千萬蹊迷者自多迷性直

集作直性

身難達良時日易

低環簷消舊雪晴氣滿春泥那得君同去遙峯苦愛齊

贈苗端公二首

前人

繁總近何如君才必有餘身歡步兵酒吏寫魯連書坐
默聞輦吹庭班見雪初沈碑若果去一為訪鄰居

二

至老不相疎斯言不是虛兩心宜一體同舍又鄰居曉
角秋砧外清雲白月初從軍何有用未造魯連書

麟東寓居寄蒲中友人

前人

蕭條秋兩地獨院且同羣一夜驚為客多年不見君邊
心生落日鄉思羨歸雲更在相思處子規燈下聞

寄河南鄭侍郎

前人

三峽與三壕門闌去夢勞細水和洛水初雪洒嵩高大

雅何由接日疑微榮已逃寒窻不可寐風地葉搔搔

獻僕射相公

前人

清如冰玉重如山百辟嚴趨禮絕攀強虜外聞須一作應

破膽平人長說一作見畫開顏朝廷有道青春好門館無

私白日閒致却垂衣更何事幾多詩句定一作合詠關關一作

皆百家
詩選

蒙恩除侍御史行次華州寄蔣相

前人

林下天書起遁逃不堪移疾入塵勞
黃河近岸陰風急
仙掌臨關旭日高
行野衆喧聞鴈發
宿亭孤寂有狼嗥
荀家位極兼禪理
應笑埋輪著所操

寄唐州楊郎中

前人

關雎憔悴一儒生
忽把魚鬚事聖明
貧得俸錢還乍喜
曉登朝序却無榮
前年坐蜀同樽俎
此日邊淮獨旆旌
班列道孤君不見
曲江春煖共僧行

塞上蒙汝州任中丞寄書

前人

三省推賢兩掖才
關東深許稍遲迴
舟浮汝水通淮去
雨出嵩峰到郡來
投札轉京憂不遠
枉緘經虜喜初開
西樓一望知無極
更與何人把酒盃

長安投邢員外

李 頻

所學近彫蟲
知難望至公
徒隨衆人後
擬老一生中間
歲家書到經營
世業空心懸
滄海闊夢去
白雲通玉漏
聲連北銀河
氣極東關門
迢遞月禁苑
沈寥鴻地廣
身難跼時平
道獨窮蕭條
苔長雨浙瀝
葉從風久怯
干朝

客長愁別釣翁拜投何忽敢言獎為曾蒙舉善如無替
垂恩本有終霜天搖落日莫使逐飄蓬

秋日江上思歸山中友人

前人

蕭條對秋色相憶在雲泉木落病身起潮平歸思懸涼
鐘山頂寺暝色渡頭船此地非吾土淹留又一年

贈喻坦之

前人

從容心自別飲水勝銜杯共在山中長相隨闕下來脩
身空有道取事疑作各無媒不信清平日終遺草野才

富春贈孫路

前人

天柱與天目曾把

疑

絕頂房青雲求祿晚白日坐家長

井氣通潮信窻風引海涼平生詩稱在老達亦何妨

江上居寄山中客

前人

山後與山前相思隔叫猿殘雲收樹末返照落江源苦
雨秋濤漲狂風猛火翻朝來賣藥客遇我達君言

下第後屏居書懷寄張侍御

前人

別足豈一生良工隔千里故山彭澤上歸夢向汾水低

催神氣盡僮僕心亦耻未達誰不知達者多忘此行年
忽已壯去老年更幾功名如不彰身歿豈為鬼纔看芳
草歇即歎涼風起驄馬未來朝嘶聲尚在耳

寄遠

前人

槐欲成陰分袂時君期十日復金扉槐今落葉已將盡
君向遠鄉猶未歸化石早曾聞節婦沉湘何必獨靈妃
須知此意同生死不學他人空寄衣

琪樹下因吟六韻呈先達者 劉 駕

舉世愛嘉樹此樹何人識青疑秋遠山意偶向亭際得

奇柯交若鬪世業

二字疑

密如織塵中尚青葱更想塵外

色所宜巢三鳥影入瑤池碧移根豈無時一問紫烟客

長安抒懷寄知己

前人

岐路不在地馬蹄徒苦辛上國聞姓名不如山中人火
宅滿六街此身入誰門愁心日散亂又似空中塵白露
下長安百蟲鳴草根况當秋賦日却憶歸山村靜女頭
欲白良媒况我隣無令苦長嘆長嘆銷人魂

宏詞下第感恩獻兵部侍郎 皮日休

分明仙籍列清虛自是還丹九轉疎畫虎已成翻類狗
登龍纔變即為魚空慙季布千金諾但負劉宏一紙書
猶有報恩方寸在不知通塞竟何如

夏日獨處寄魯望

前人

幽慵不覺耗年光犀柄金徽亂一床野客共為賒酒計
家人同作借書忙園蔬預遣分僧料廩粟先教算學糧
無限高情好風月不妨猶得事吾王

松陵集
作吳

王

吳中書事寄漢南裴尚書

前人

萬家無事鎖蘭橈，鄉味腥多厭紫薑。

江文通云石劫也

水似碁

文交度郭柳如行陣

松陵集作障

儼遮橋青梅蒂重初迎雨

白鳥羣高欲避潮，唯望舊知憐此景。

松陵集作意

得為傖鬼

也逍遙

贈遠

陸龜蒙

茱萸匣中鏡欲照，心還懶本是細腰人。別來羅帶緩從君出門後，不奏雲和管。妾思冷如簧，時時望君煖心期。

夢中見路永魂夢短怨生泣西風秋牕月華滿

寄淮南竇

一作鄭

書記

前人

記室千年翰墨孤

唯君才力

一作學

似應徐五丁驅得神

功盡二酉搜來秘檢疎煬帝帆檣留澤國淮王牋奏入

班書清詞醉草無人見但釣寒江半尺魚

一作鱸

曉起即事因成回文五十六言寄皮日休先輩

前人

平波送

一作落

月吟閑境

一作影

暗幌浮烟思起人清露曉

垂花謝半遠風微動蕙抽新城荒上處樵童小石蘚分
來宿鷺馴晴寺野尋同去好古碑苔字細書勻

寄吳子華

前人

一夜秋聲入井桐數枝微葉怕西風霏霏晚砌烟葉疑
上浙浙疎簾雨欲通君整輪蹄名未了我依雲鶴病相
攻到頭江畔從漁事織作中流萬疋蒨

旅次滑臺投獻陸侍御

許崇

已是愁來日堪驚却背秦天遙三楚樹路遠兩河人旅

夢難歸隱吟魂不在身
霜臺歌豸次賴許信來頻

寄趙能卿

前人

我命同君命君詩似我詩
俱無中道計各失半生期
素業滄江遠清時白髮垂
蹉跎一如此何處卜棲遲

隴州旅舍書事寄李中丞

前人

三伏客吟過長安未擬還
蛩驚秋不動燕別思仍閑
亂葉隨寒雨孤蟬起暮關
經時高枕外來往旆旌間

寄黔南李校書

前人

從戎巫峽外吟興更應多郡響蠻江漲山昏蜀雨過公
筵饒越客俗土尚巴歌中夜懷吳夢知驚滌瀕波

寄盤屋薛能少府

前人

滿縣唯雲水何曾似近畿曉庭禽集慣寒署吏衙稀水
色封深澗樵聲在翠微時聞迎隱者依舊着山衣

寄睦州侯郎中

前人

下國多高趣終年半是吟潮濤通越分部伍雜閩音曉
郭雲藏市春山鳥讓林東浮雖未遂日日至中心

住京寄同志

聶夷中

在京如在道日日先

集作夜
夜先

雞起不離十二街日行一

百里役役大塊上周朝復秦市貴賤與賢愚古今同一
軌白兔落天西赤鷄飛海底一日復一日日日無終始
自嫌性如石不達榮辱理試問九十翁吾今尚如此

贈農

前人

勸爾勤耕田盈爾倉中粟勸爾無伐桑減爾身上服清
霜一委地萬草色不綠狂風一飄林萬葉不着木青春

如不耕何以自拘束

客有進嘆後時者作詩勉之 前人

後達多晚榮速得多疾傾君看構大廈何曾一日成在
暖湏在桑在飽湏在耕君子貴弘道道弘無不亨太陽
垂好光毛髮悉見形我亦二十年直似戴盆行荆山產
美玉石石皆堅貞未必盡有玉玉且間石生精衛一微
物猶恐填海平

長安贈王注

司空圖

正下搜賢詔多君獨避名客來當意悵花發遇歌成樂
地留高趣權門讓後生東方御閑駟園外好同行

贈疑步寄李員外

前人

危橋轉溪路經雨石叢荒幽瀑下仙果孤巢懸夕陽病
辭青瑣秘心在紫芝房更喜諧招隱詩家有望郎

寄鄭仁規

前人

清才鄭小戎標的貴遊中萬里雲無侶三山鶴不籠香
和丹地煖晚着綵衣風縈路期經濟唯應在至公

寄考功王員外

前人

喜聞三字耗閒客是陪遊白鳥間疎索青山日滯留琴
如高韻稱詩愧逸才酬更勉匡君志論思在獻謀

巴賈旅寓寄朝中從叔

鄭谷

驚秋思浩然信美向巴天獨倚臨江樹初聞落日蟬哀
榮悲往事漂泊念多年未便甘休去吾宗盡見憐

以下二十六篇並見集本

寄題方干處士

前人

山雪照湖水漾舟湖畔歸松篁調遠籟臺榭發清輝野
岫分開徑漁家並掩扉暮年詩力在新句更幽微

寄獻湖州從叔員外

前人

顧渚山邊郡溪將罨畫通遠看城郭裏

一作外
又作處

全在水

雲中西閣歸何晚東吳興未窮茶香紫笋露洲迴白蘋
風歌緩眉低翠杯明蠟剪紅政成尋往事輟棹問漁翁

寄膳部李郎中

昌符

前人

鄴郊陪野步早歲偶因詩自後吟新句長愁減舊知靜

燈微落燼寒硯旋生澌夜夜冥搜苦那能鬢不哀

寄贈孫路處士

前人

平生詩譽更誰過歸老東吳命若何知己彫零垂白髮
故園寥落近滄波酒醒蘚砌花陰轉病起漁舟鷺迹多
深入富春人不見閒門空掩半庭莎

贈日東鑒禪師

已見二百二十四卷

前人

寄前水部賈員外

前人

謝病別文昌仙舟向越鄉貴為金馬客雅稱水曹郎白

鷺同孤潔清波共渺茫
相如辭賦外騷雅趣何長

贈文士王雄

前人

知己竟

集作更

何人夫君尚苦辛
圖書長在手文學老於

身公道天難廢貞姿
玉任真小齋松菊靜願卜子為鄰

寄南浦謫官

前人

多才翻得罪天末抱窮憂
白首為遷客青山遶萬州
醉欵梅障曉歌厭竹枝秋
望闕懷鄉淚荆江水共流

寄同年禮部趙郎中

前人

仙步徐徐整羽衣小儀澄淡轉中儀
樺飄紅燼趨朝路

蘭縱清香宿省時彩筆煙霞供不足
綸一作粉閣鸞鳳訝

來遲自憐孤宦誰相念祝禱空吟一作憑一首詩

寄贈楊夔處士

已見二百三十一卷

前人

寄碁客

前人

松窻楸局穩相顧思皆凝
幾局賭山果一先饒
海僧覆圖聞夜雨下子對秋燈
何日無羈束期君向杜陵

寄察院李御史

前人

古柏間松篁清陰在印牀宿郊虔點饌秋寺靜監香參
集行多揖一作風儀見即莊佇聞橫臂去帷集諫書囊

贈富平李華

集作宰

前人

夫君清且貧琴鶴最相親簡肅諸曹事安閑一境人陵
山雲裏拜渠路雨中巡易得連宵醉千缸石凍春

偶懷寄臺院孫端公

前人

才拙道仍孤無何捨釣徒班雖趨玉笋香不近金爐雨
露瞻雙闕烟波隔五湖唯君應見念曾共伏一作青蒲

丞相孟夏禮

集作祇

薦南郊紀獻十韻

前人

節應清和後郊宮事潔羞至誠聞上帝明德祀園邛雅

用陶匏器馨非黍稷流就陽陳盛禮匡國稱

集作禱

鴻休

漸曉蘭凝露微涼麥弄秋壽山橫紫閣瑞靄抱皇州外

肅通班序中懷納誓憂

集作中嚴納慶憂

升

集作奏

歌三酒備表

敬百神柔池碧將還鳳原清再問牛萬方瞻輔翊共賀

贊王猷

李夷遇侍御久滯水鄉因抒寄懷

前人

簪豸年何久懸帆興甚長江流愛吳越詩格愈齊梁竹

寺清陰

集作吟

遠蘭舟曉

集作晚

泊香高閒徒自任華省待

為郎

寄贈藍田韋少府先輩

前人

王畿第一縣縣尉是詞人館殿非初意圖書是舊貧破

冰泉竇響賽雪廟松春自此升通籍清華日逼

集作近身

聞所知遊樊州有寄

前人

誰無泉石趣朝下少同過貪勝覺程近愛閒經宿多片
沙留白鳥高木引青蘿醉把漁竿去殷勤藉岸莎

久不得張喬消息有寄

前人

天末去程孤沿淮復向吳亂離何處甚安穩到家無樹
盡雲垂野檣稀月滿湖傷心遠村路應少舊耕夫

九日偶懷寄左省張起居

前人

令節爭歡我獨閒荒臺盡日向晴山渾無酒泛金英菊

漫道官趨玉笋班，深愧青莎迎野步。不堪紅葉照衰顏。

羨君官重多吟興，醉帶天坡

集作朱坡

落照還

獻制誥楊舍人

前人

為郡東吳只飲冰，瑣闥須降詔

一作鳳

書徵隨行已有朱

衣吏伴直多招紫閣僧，窻下調琴鳴遠水。簾前睡鶴背

秋燈葦坡竹塢情，無限閒話

一作語

毗陵問杜陵

獻大京兆薛常侍

前人

恥將官職

一作業

競前途，自愛篇章古不如。一炷香新開

道院數坊人靜

一作聚

避朝車縱遊藉草花垂酒閒卧臨

窓燕拂書唯有明公賞新句秋風不敢憶鱸魚

為戶部李郎中與令季端公寓止渠州泝江寺

偶作寄獻

前人

退居瀟洒寄禪關高挂朝簪淨室間孤島暫

集作雖

留雙

鶴歌五雲爭放一龍閒輕舟共泛花邊水野履同登竹
外山仙署金閨虛位久夜清應夢近天顏

賀新除左省韋拾遺

前人

初昇諫署是真仙浪透桃花十五年垂白郎官居坐末
着緋人吏立堦前百僚班定趨丹陛兩腋風清上碧天
從此追飛何處去金鑿殿與玉堂連

寄職方李員外

前人

曾袖篇章謁長卿今來隨集作附鳳事何榮星臨南省陪

仙步春滿東朝接珮聲

員外攝儲官官谷
忝獲攀接集作附

談笑不拘先

後禮歲寒仍與集作契子孫情龍墀仗下天街暖共看圭

峯並馬行

寄顧雲

杜荀鶴

省得前年別蘋洲
旅館中亂離身不定
彼此信難通
侯國兵雖斂
吾鄉業已空
秋來憶君夢
夜夜逐征鴻

下第後寄池州鄭員外

前人

省得

集作出

蓬蒿修謁初
蒙知曾不見
生疎侯門數
處將

書薦帝里經年借
宅居未必有詩堪
諷誦只憐無援過

吹噓而

集作如

今足得成持
取莫使江湖却
釣魚

贈漣水崔少府

前人

庭戶蕭條燕雀喧日高窻下枕書眠只聞留客教沽酒
未省逢人說料錢洞口禮星披鶴氅溪頭吟月上漁船

九華山叟心相許不計官資

集作

贈一篇

贈李鐔

鐔自維陽避亂東入中山

前人

君行君文天合知見君於此我傷

集作

悲祗殘三口兵

戈後纔到孤村雨雪時着卧衣裳難辨洗旋求梁食莫
供炊地爐不煖柴枝濕猶把蒙求授小兒

贈僧

已見二百二十四卷

前人

宿灤城却寄長山張書記

前人

一更更盡到三更吟破離心句不成
數樹秋風滿庭月
憶君時復下階行

寄處士方干

周朴

桐廬江水閒終日對柴關
因想別離處不知多少山
釣舟春岸泊庭樹晚鷺還
莫便求栖隱桂枝堪恨顏

寄塞北張符

前人

隴樹塞風吹遼城角幾枝霜凝無暫歇
君貌莫應哀萬

里平沙際一行邊
鴈移那堪朔烟起家信正相離

次梧州却寄永州使君

前人

隨風

一作雲

身不定今夜在蒼梧
客淚有時有猿聲無處

無潮添瘴海闊煙拂太山孤
却憶零陵住吟詩半玉壺

贈念經僧

前人

庵前古折碑夜靜念經時
月皎海霞散露濃山草垂
鬼聞拋故塚禽聽離寒枝
想得天花墜馨香拂白眉

春日遊北園寄韓侍郎

前人

灼灼春園晚色分
露珠千點映寒雲
多情舞蝶穿花去
解語流鶯隔水聞
冷酒盃中宜泛灑
暖風林下自氤氳
仙桃不肯全開折
應借餘芳待使君

贈太僞和尚

前人

太僞清復深
萬像影沉沉
有客衣多毳
空門倡勝金
王侯皆作禮
陸子只來吟
我問師心處
師言無處心

秋夜不寐寄崔溫進士

前人

愁多難得寐
展轉讀書床
不是旅人病
豈知秋夜長
歸

鄉憑遠夢無夢更思鄉枕上移窻月分明是淚光

春中途中寄南巴崔使君 前人

旅人遊汲汲春氣又融融農事蛙聲裏歸程草色中獨
慙出穀雨未變暖天風子玉和予去應憐恨不窮

喜賀拔先輩衡陽徐正字 前人

黃紙晴空墜一緘聖朝恩澤洗冤讒李膺門客為閒客
梅福官銜改舊銜名自石渠書典籍香從芸閣着衣衫
寰中不用憂天旱霖雨看看屬傅巖

客州賃居寄蕭郎中


前人

松店茅軒向水開，東頭舍賃一徘徊。
窻吟苦為秋江靜，枕夢驚因曉角催。
鄰舍見愁賒酒與，主人知去索錢來。
眼看白筆為霖雨，肯使紅麟便曬腮。

贈李裕先輩

前人

曉擊弓箭入初場，一發曾穿百步楊。
仙籍舊題前進士，聖朝新奏校書郎。
馬疑金馬門前馬，香認芸香閣上香。
閑伴李膺紅燭下，慢吟絲竹淺飛觴。



文苑英華卷二百六十四

欽定四庫全書

集部

文苑英華卷二百六十五至

詳校官太僕寺少卿臣李廷欽

助教臣常循覆勘

總校官進士臣朱鈐

校對官中書臣秦泉

謄錄監生臣閔學注

欽定四庫全書

文苑英華卷二百六十五

宋 李昉等 編

寄贈十九

韓琮二首

羅鄴四首

高極一首

喻坦之三首

張喬八首

王貞白二首

黃韜六首

張蠙六首

楊夔一首

羅隱十七首

王穀一首

曹松二首

沈顏一首

裴說五首

唐彥謙六首

李山甫一首

晚春江晴寄友人

韓琮

晚日低霞綺晴山遠畫眉春青

絕句詩選
作青青

河畔草不是

望鄉時

秋晚信州推院親友或責無書即事寄答

前人

官信安仁拙書非叔夜慵謬馳驄馬傳難附鯉魚封萬
里勞何補千年運忝逢不量橫草力虛慕入雲蹤潔水
空澄鑑持鉛亦礪鋒月寒深夜桂霜凜近秋松憲摘無
逃魏寃申得夢馮問狸將挾虎織蠶敢虞蜂商吹移砧
調春華改鏡容歸期方畹積愁思暮山重仙鼠猶驚燕
莎雞欲變蛩唯應碧湘浦雲落及芙蓉

聞友人入越幕因寄之

羅 鄴

稽嶺春生酒凍銷煙鬟藉袖恃嬌嬈峰邊聚雪晴香老

波上長虹晚影搖
正哭阮途歸未得更聞江筆赴嘉招
人間榮悴真堪恨
坐想征軒鬢未凋

途中寄友人

前人

秋庭悵望別君初
折柳分襟十載餘
相見或因中夜夢
寄來多是隔年書
携樽座外花空老
垂釣江頭柳漸疎
裁得詩憑千里鴈
吟來寧不憶吾廬

赴職單于留獻所知

前人

職忝翩翩逐建牙
笈隨征騎入胡沙
定將千里書憑鴈

應看三春雪似花年長有心終報國時清到處便營家
逢秋不擬同張翰為憶鱸魚却嘆嗟

下第書懷寄友人

前人

清世誰能辨陸沉相逢休作憶山吟若教仙桂在平地
更有何人肯苦心去國漢妃還似玉亡家石氏豈無金
且安懷抱休惆悵琴瑟調高樽酒深

及第後贈試官

高極

公子求賢未識真欲將毛遂比常倫當時不及三千客

今日如何十九人

陳情謹獻中丞

喻坦之

孤拙竟何營徒希折桂名始終誰肯薦得失自難明
貢乏雄文獻歸無瘠土耕滄江長發夢紫陌久慙行意縱
求知切才唯懼鑿精五言非琢玉十載看遷鶯進取心
甘鈍傷嗟骨每驚塵襟痕積淚客鬢白新莖顧盼身堪
教吹噓羽覺生依門情轉切荷德力須傾獎善猶憐貢
垂恩必不輕從茲便提絜雲路自生榮

寄華陰姚少府

前人

秦華當公署為官興可知
硯和青靄凍簾對白雲
垂峻掌光浮日危蓮影入池
料於三考內應惜德音移

晚泊富春寄友人

前人

江鍾寒夕微江鳥望巢飛
木落山城出潮生海棹歸
獨吟霜島月誰寄雪天衣
此別三千里關西信更稀

劉補闕自九華山拜官因以寄獻

張喬

冥鴻夕不羣，徵拜動天文。地主迎過郡，山僧送出雲。登車殘月在宿館，亂離分若更思林。下還須共致君。

寄南中友人

前人

相夢如相見，相思去後頻。舊時行處斷，華髮別來新。浪動三湘月，煙藏五嶺春。又無歸北客，書札寄何人。

寄績溪陳明府

前人

古邑猿聲裏，空城只半存。岸移無舊路，沙漲別成村。鼓角喧京口，山江盡汝濱。六朝興廢地，行子一銷魂。

寄處士梁燭

前人

賢哉君子風誦與古人同採藥楚雲裏移家湘水東星
霜秋野濶雨電夜山空早晚相招隱深耕老此中

贈進士顧雲

前人

潮檻煙波別釣津西京同似荻洲貧不知守道歸何日
相對無言盡幾春晴景遠山花外暮疑雲邊疑高蓋水
邊頻與君愁寂無消處賒酒清門送楚人

城南寓居寄知己

前人

花木閒門苔蘚生涯川特去得吟情病來久絕洞庭信
年長却思廬岳耕落日獨歸林下宿暮雲多遶水邊行
干時退出長如此頻愧相憂道姓名

贈友人

前人

自說安貧歸未能竹邊門掩小池冰典琴賒酒吟過寺
送客思鄉上灞陵待月夜留煙鳥客憶雲閒話翠微僧
幾時獻了相如賦共向嵩山採茯苓

二

九霄無詔下何事觸青塵
宅帶松蘿僻田惟猿鳥親
吟看仙掌月期有洞庭人
莫問煙霞句懸知見岳神

秋日旅懷寄右省鄭拾遺

王貞白

永夕愁不寐草蟲喧客庭
半窓分曉月當枕落殘星
鬢髮遊梁白家山近越青
知音在諫省苦調有誰聽

贈劉凝評事

前人

棘寺官初罷梁園靜掩扉
春深顏子巷花映老萊衣
談史曾無滯攻書已造微
即膺新寵命稱慶向庭闈

寄鄭縣李侍郎

黃滔

古縣新煙火東西入客詩靜如長暇日貧更似閒時僧
借松蘿主人將雨雪期三年一官罷岳石看成碑

贈李補闕

前人

魯史蜀琴旁陶然舉一觴夕陽明島嶼秋水淺池塘世
亂憐官替家貧值歲荒前峯亦曾宿知有辟寒方

寄敷水盧校書

前人

諫省垂清論仙曹豈久臨雖專良史業未畏直臣心路

入丹霄近家藏華嶽深還如韓吏部誰不望知音

贈明州霍員外

前人

惠化如施雨隣州亦可依正衙無吏近高會覺人稀
海日旗邊出沙禽角外歸四明多隱客閒約到巖扉

寄獻梓桐山侯侍郎

前人

漢宮行廟畧簪笏落人間直道三湘水高情四皓山
賜衣僧脫去表奏主批還地得松蘿塢泉通雨雪灣東門
添故事南省缺新班

時有新命不赴

片石秋從露幽窓夜不關

夢餘蟾隱映吟次鳥綿蠻可惜相如作當時事悉閒

寄刑部盧員外

前人

誰識在官意開門樹色間尋幽頻宿寺乞假擬遊山半
白侵吟鬢微紅見藥顏不知今夜月幾客得同閒

贈曹郎中

張蠙

所作高前古封章自由曲臺細看明主意終用出人才省
印尋僧鎖書樓領鶴開南山有舊友時向白雲來

亂中寄友人

前人

別來難覓信何處避艱危鬢黑無多日塵清是幾時人
情將厭武王澤即興詩若便懷深隱還應聖主知

寄友人

前人

戀道欲何如東西遠索居長疑即見面翻致久無書
向
麥深藏雉淮苔淺露魚相思不我會明月屢盈虛

贈別山友

前人

從容無限意不獨為離羣年長驚黃葉時清見白雲
舊
山迴馬見寒瀑別家聞相與存吾道窮通各自分

別後寄友生

詩選
作人

前人

上馬如飛鳥飄然隔去塵
共看今夜月獨作異鄉人
就養江田熟移居井賦新
裏陽曾卜隱應與孟家隣

途次績溪先寄陳明府

前人

入境風煙好憂人不易傳
新居多是客舊隱半成仙
山斷雲衝騎溪長柳拂船
何當許過縣聞有篋中篇

寄當陽袁皓明府

楊夔

高人為縣在南京竹遶琴堂水遶城
地古既資携酒興

務閑偏長看山情松軒待月僧同坐藥圃尋花鶴伴行
百里甚堪留惠愛莫教空說魯恭名

投宣武鄭尚書二十韻

羅隱

漢代簪纓盛梁園雉堞雄物情湏重德時論在明公族
大踰開魏神高本降嵩世家唯蹇諤官業即清通翰苑
論思外綸闈嘯傲中健毫驚綵鳳高步出冥鴻履歷雖
吾道行藏必聖聰絳霄無繫滯浙水忽西東庾監高樓
月表郎滿座風四朝存故事兩地有全功去去才湏展

行行道益隆避權辭憲署仗節出南宮
鴈影相承接龍圖共始終自然湏作礪
不必恨臨戎幕下蓮花盛竿頭
彈佩紅騎兒逢郭伋戰疑士得文翁人地應無比
簞瓢柰屢空因思一枝桂已作斷根蓬
往事應歸捷勞歌且責躬殷勤信陵館
今日自途窮

投浙東王大夫二十韻

前人

越嶺千峯秀淮流一派長暫憑開物手
來展濟時方舊跡蘭亭在高風桂樹香
地清無等級天闊任徊翔塵尾

譚何勝螭頭筆更狂直曾批鳳詔高已冠鷓行嘯傲辭
民部雍容出帝鄉趙堯推印綬勾踐與封疆水占仙人
吹城留御史牀嘉兵鄒潤甫百姓賀知章席煖飛鸚鵡
塵輕駐驕驕夜歌珠斷續晴舞雪悠揚化向棠陰布春
隨棣萼芳盛名韜不得雄畧晦彌彰自愧三冬學未窺
數仞墻感深唯刻骨時去欲沾裳想望魚燒尾咨嗟鼠
齧腸可能因蹇拙便合老滄浪題柱心猶壯移山志未
忘深慙百般病今日問醫王

投寄韋左

一作右丞

前人

赤壁徵文聘中臺拜郗詵班資叅令僕曹署轄星辰幙
被從誰起持網自此新舉明朝典數封納詔書頻禁樹
曹搗藻臺烏舊避塵便應酬倚注何處活窮鱗

寄易定公乘億侍郎

侍郎有明皇再見阿蠻舞及龍池柳賦時稱魁絕也

前人

謝舞仍宮柳高竒世少雙侍中生不到園令死湏降班
秩通烏府尊疊近

集作奉

碧幢昭王有餘烈試為禱迷邦

寄侯博士

前人

規諫揚雄賦
遭迴賈誼官
久貧還往少
孤立轉遷難
清鏡流年急
高槐旅舍寒
侏儒亦何有
飽食向長安

寄大理寺徐郎中

前人

佐棘竟誰同
因思證聖中
事雖亡集作忘
顯報理合有
陰

功官緒詵枝
老生涯集作生塵
范甑空
幾時潘好禮
重與話

清風

證聖中徐有功為大理少卿執法平恕鹿城主簿潘好禮著論以美之也

寄蘇拾遺

拾遺許公之後今猶居開元中舊第

前人

前人

早歲長楊賦當年諫獵書格高時輩伏言切宦情疎慷
慨傳丹桂艱難保舊居退朝焚諫草能忘集作馬相如

寄剡縣主簿

前人

金庭養真地球篆勾稽官境勝堪長往時危喜暫安洞
連滄海闊山擁赤城寒他日拋塵土因君擬煉丹

感德叙懷寄上羅鄴王三首

集作秋
日有酬

前人

盛

集作舊

業傳家有寶

集作佩

刀况

集作近

聞餘力更揮毫腰

間印佩黃金重

集作黃樞貴

卷裏詩裁

集作文章

白雪高宴罷嘉

賓吟鳳藻獵迴

集作歸

諸將問龍韜分茅列土

集作壇甲子纒

三十猶擬回頭賭錦袍

二

集作寄酬鄴王羅令公

營室東迴蔭赤

集作斤

丘少年承襲擁清油坐調金鼎尊

明主橫把琯戈傲列侯書札二王爭巧拙篇章七子謝

集作避風流西園舊跡今應在衰老無因奉勝遊

三

脉散源分歷幾朝縱然官宦只賓

集作甲

僚正憂未派論

滄海忽見高枝拂絳霄百

集作千

萬貌貅趨玉帳三千賓

客冠

集作弭

金貂良時難得吾宗少應念衰門

京本作寒門

久

集作更寂寥

淮南

集作廣陵

李僕射借示近詩因有投獻

前人

朝論國計暮論兵餘力猶隨鳳藻生語繼盤盂拋俗格

氣通

集作
魚

河岳帶商聲
閑尋綺思千
花麗靜想高吟六

藝

集作
義

清文柄已持
堯典在更堪
回首向

集作
問

緣情

寄京闕陸郎中昆仲

前人

柏臺蘭署四周旋
賓榻何妨鴈影連
纔見玳簪欹細柳
便知油幕勝紅蓮
家從入洛聲名大
跡為依劉事分偏

爭柰亂離人
漸少麥成

集作
城

新賦許誰傳

贈湖州

集作
雲州

裴郎中

前人

貴提金印出咸秦
瀟洒江城兩度春
一派水清疑見膽

數重山翠欲留人望崇早合歸黃閣詩好何妨戀白蘋
自是受恩心未足却垂雙翅羨吳筠

寄前宣州竇常侍

前人

往年西謁謝元暉樽酒留歡醉始歸曲檻柳濃一作鶯

未老小園花煖集作嫩蝶初飛噴香瑞獸金三尺舞雪佳

人玉一圍今日亂離尋不得滿蓑風雨釣漁磯

寄徐濟

前人

往年疎懶共江湖月滿花香記得無霜壓楚蓮秋後折

雨催蠶酒夜深沾紅塵偶別

一作到

迷前事丹桂相輕愧

後圖

集作徒

出得函關抽得手從來不及阮元瑜

贈宣武盧從事

前人

前年帝里望

集作從

行塵記得仙家第四人泉煖舊語龍

偃息露寒初見鶴精神歌聽

集作聲

上榻梁園晚夢遶殘

鍾汜水春知有篋中編集

集作什

在只應從此是經綸

贈蒼溪王明府有文在手曰長生

王穀

執手長生在人皆號地仙水雲真遂性龜鶴足一作齊

年但以酒養氣何言命在天况無婚嫁累應拍尚平肩

贈南陵李主簿

曹松

外邑官同隱寧勞短使趨看雲情自足愛酒逸應無簞
席遺棋子衣裳惹印朱仍聞陂水近亦擬棹菰蒲

山中寒夜呈進士許棠

前人

山中集作寒草堂煖寂夜有良朋讀易明集作分高燭煎茶

取折集作拆冰庭垂河半角窻露月微稜俱入論心地爭

無俗者憎

書懷寄友人

沈 顏

江湖勞遍尋祇自長愁襟到處慵開口何人可話心登樓得句遠望月抒情深却憶山齋後猿聲相伴吟

春早寄華下同人

裴 說

正是花時節思君寢復興市沽終不醉春夢亦無憑岳面懸清雨河心走濁冰東門一條路離恨正相仍

贈衡山令

前 人

君吟十二載

集作三十載

辛苦必能官造化猶難隱生靈豈

易謾猿跳高岳靜魚擺大江寬與我為同道相留夜話

閑

南中縣令

前人

寂寥雖下邑良宰有清威苦節長如病為官豈肯肥山
多村地狹水淺客舟稀上國搜賢急陶公早晚歸

寄曹松

前人

莫見苦吟遲吟遲鬢亦絲鬢斑猶可染詩病却難醫山

暝雲橫處星稠月側時冥搜不可得一句至公知

贈賓貢

前人

惟君懷至業萬里信悠悠路向東溟出枝來北闕求家
無一夜夢帆掛隔年秋鬢髮爭禁得孤舟往復愁

秋霽夜吟寄友人

唐彥謙

槐柳蕭疎溽暑收商金頻伏火西流塵衣歲晚緣身賤
雨簟更深滿背秋前事悲涼何足道遠書慵懶未能修
唯思待月高梧下更就東林訪惠休

賀李昌時禁苑新命

前人

玉簡金文直上清
禁垣丹地閉嚴扃
黃扉議政參元化
紫殿稱觴拂壽星
萬戶千門迷步武
非煙非霧隔儀形
塵中舊侶無音信
知道遼東鶴姓丁

又寄

前人

振鷺翔鸞集禁闈
玉堂珠樹瑩風儀
不知親到靈和殿
張緒何如柳一枝

上巳日寄韓八

已見一百五十七卷

寄蔣二十四

前人

鳥嘯蜂飛日漸長
旅人情味悔思量
禪門淡泊無心地
世事生疎欲面牆
二月雲煙迷柳色
九衢風土帶花香
大知高士禁愁寂
試倚闌干莫斷腸

寄懷

前人

有客傷春復怨離
夕陽亭畔草青時
淚從紅蠟無由制
腸比朱絃恐更危
梅向好風唯是笑
柳因微雨不勝垂
雙溪未去饒歸夢
夜夜孤眠枕獨欹

赴舉寄別所知

李山甫

腰劍囊書出戶遲，壯心吾命兩相疑。
麻衣盡舉一雙手，桂樹只生三十枝。
黃祖不憐鸚鵡客，志公偏賞麒麟兒。
叔牙知我應相痛，回首天涯寄所思。

文苑英華卷二百六十五